

安徽历代方志丛书

南陵縣志

下冊

南陵縣地方志辦公室 整理

黃山書社

图书在版编目(CIP)数据

南陵县志/徐乃昌等纂修. —合肥: 黄山书社, 2007. 10
ISBN 978-7-80707-745-9

I. 南… II. 徐… III. 南陵县—地方志 IV. K295.44

中国版本图书馆CIP数据核字 (2007) 第118519号

黄山书社出版发行

(合肥市政务文化新区圣泉路1118号出版传媒广场)

新华书店经销 芜湖市可达印务有限责任公司印刷

开本: 889×1194 1/32 印张: 38 字数: 900千字

印数: 0001~1000

印次: 2007年9月第1次印刷

版次: 2007年9月第1版

定价: 138元

版权所有

翻印必究

目 录

序.....	1
例 言.....	1
南陵县志重修题名.....	1
目 录	1
南陵县志卷一 與地志・建置沿革	1
南陵县志卷二 與地志・星野.....	22
南陵县志卷三 與地志・疆域.....	38
南陵县志卷四 與地志・风俗.....	67
南陵县志卷五 地志・山川	76
南陵县志卷六 與地志・圩坝	95
南陵县志卷七 與地志・古迹 茔墓	135
南陵县志卷八 学校志・学制 学官 学额	144
南陵县志卷九 武备志・营伍 墩台 教场 驿传	197
南陵县志卷十 营建志・城池 官署	201
南陵县志卷十一 营建志・坛庙 寺观	211
南陵县志卷十二 营建志・宗祠	236
南陵县志卷十三 营建志・津梁	250
南陵县志卷十四 食货志・恤政	260

南陵县志卷十五	食货志·田赋·····	272
南陵县志卷十六	食货志·漕运 户口 丁额 徭役 物产 ·····	293
南陵县志卷十七	职官志·知县 佐贰 儒学 武员 ·····	325
南陵县志卷十八	职官志·名宦·····	351
南陵县志卷十九	选举志·进士 乡举 辟召·····	359
南陵县志卷二十	选举志·贡生 例贡·····	374
南陵县志卷二十一	选举志·例仕·····	398
南陵县志卷二十二	选举志·武进士 武乡举 将才 武胄 武衔 军功·····	410
南陵县志卷二十三	选举志·封荫·····	422
南陵县志卷二十四	选举志·乡饮宾 咨议局议员 自治区员 毕业·····	433
南陵县志卷二十五	人物志·名臣·····	445
南陵县志卷二十六	人物志·忠节(一)·····	453
南陵县志卷二十七	人物志·忠节(二)·····	477
南陵县志卷二十八	人物志·忠节(三)·····	501
南陵县志卷二十九	人物志·宦业 武烈·····	516
南陵县志卷三十	人物志·乡献 儒林 文苑 ·····	530
南陵县志卷三十一	人物志·孝义·····	548
南陵县志卷三十二	人物志·懿行·····	571

南陵县志卷三十三	人物志·助赈 隐逸 方伎 流寓 方外 寿民	601
南陵县志卷三十四	列女志·贞女 烈女 孝女	618
南陵县志卷三十五	列女志·节妇(一)	626
南陵县志卷三十六	列女志·节妇(二)	667
南陵县志卷三十七	列女志·节妇(三)	697
南陵县志卷三十八	列女志·烈妇	730
南陵县志卷三十九	列女志·孝妇 贤淑	750
南陵县志卷四十	艺文志·文(一)	756
南陵县志卷四十一	艺文志·文(二)	784
南陵县志卷四十二	艺文志·赋 诗 词	859
南陵县志卷四十三	经籍志·邑人著述	918
南陵县志卷四十四	金石志:周 魏 齐 隋 唐 五代 宋 元	961
南陵县志卷四十五	金石志·明(一)	976
南陵县志卷四十六	金石志·明(二)	1019
南陵县志卷四十七	金石志·明(三)	1060
南陵县志卷四十八	杂志·祥异 纪闻	1116
卷末叙录·宋 明 清		1126
附 录:南陵城乡图 南陵县全境图		
后 记		1160

南陵县志卷三十二

人物志

懿行

明，丁恕，字子贞。德性敦厚，仗义轻财。邻人垣坏，获束帛，内皆白金管珥。问其人，答曰：“妻亡女幼，恐致遗失，故有此藏。不意垣溃，终失也。”恕还之。其人分谢，不受。生平好周人急，不轻然诺。时称厚德君子（通志《孝义》）。

何璧，字世奇。性颖异。入邑庠，力崇正学，冠婚丧祭一遵家礼。辽东太学生邱经寄贮五百金，邱卒于南都，璧访其里人张隅，召经弟还之，封识宛然。尝开馆孟塘，辨析经义，士类多所造就，及卒，门人吴景等请大司成泰和罗璟文表其墓，著有《西斋集》（通志《孝义》）。

许梦旂，号明宇。邑庠生，博览群书，少与兄梦熊同力作，以奉亲兄成进士。旂资产仅中人，而乐施予。万历戊子、己丑、戊申邑大祲，多道殍者，槽殍之。躬载饘粥望门相饷，赖全活者甚众，里称厚德。

秦邦相，号慕新。秉性和惠。万历中，浚苦水旱，设义仓贮赈。周人婚葬岁以为常。侄凤仪以贫将废学，相勉之，给以膏火。假贷遍村野，临终悉焚其券。

戴苾，号华邱。少失怙，事母以孝闻。抚幼弟以成立，二弟早世，所遗孤侄皆藉教养，析产一如己子。后子侄列庠序、登科第，人称义方之报。

张应宿，号绳柏。署丞茂蕙子。由纂修贡授光禄署丞，居乡、居官并谦谨廉饬。癸酉以军需奉命入秦，谢绝馈遗，所过以清介称。嗣乞归著诗自娱，邑举乡饮宾。

朱思潏，性乐施予。万历五年大侵。潏出谷千石以赈。巡抚御史朱公仪望特旌焉。十六年子文敏复赈饥。知县郝世科题其门，曰“尚义之门”。

王孟明，万历间人。尝以捐谷助赈请义民冠带扁额，部诏尚存。

叶殿贤，忼爽好义。崇正十五年大歉，流离载道，贤捐资煮粥以赈饥者，凡数月，又施棺殓道殣。郡邑旌其闻。

吴忠允，字象先，忠臣景后。邑庠生。父早歿，事母抚弟，孝友备至。年七十四，三月前预知卒期，人弗之信。届期沐浴更衣，呼子侄辈毕集于庭，教以忠孝睦姻之道，焚香告天，端坐而逝。

吴大儒，字圣瞻。十岁丧父，力耕养母，夜则帷灯诵读，彻旦不睡，补博士弟子员。性耿直，乡里钦其行谊。遇人忿争，片言解之，皆为输服。

王秋，檀之子，性豪爽，有慧识，捐貲刻《大观本草》，建惠川桥，殷尚书正义、尤都宪振德、陈都宪道基微时俱困屈市肆，秋一见惊异，折节器重，多方资读。后皆贵显，毫无德色。

王宗宪，轻财尚义，崇正十三年陵邑旱荒，宗宪捐谷二千余石助赈，一时灾民多赖以存活。

孙有薰，庠生，性颖异。以谨恪见推里党。善诗，著有《谷中人集》，食饩三十年，赍志以歿，以子廷介赠武德将军。

王可棠，字寅仲。年十八补诸生，父歿，兄章甫肄业南雍，棠理家政秩如也。家有余粟不粜贩外郡，留济本邑。崇正庚辰辛巳，荒旱频仍，斗米银三钱。煮糜以赈，凡数月。有同学友

戏给案入别室，预藏一女优于内，案愕然，即自牖中逸出。岁癸未学使以优行举表其闾，曰“德孚舆论”。

清，刘笃生，字君因。观察有源次子，与兄兰生友爱特至。幼同受书于父，而英敏绝出，父奇爱之，以博士弟子员入成均。父宦游所至，辄命随侍，书疏多出其手。性仁慈、喜朴素，遇人无贵贱老幼，恂恂自下手录嘉言、懿训，喜为人讲说，不善治生而孜孜以济人为务。尝煮粥以食饥人，施槽以瘞道殍。邻有以屋售者，念其栖止无所，听久居焉。买婢询知宦裔，亟召其父还之。有友之官，贷二百金，未几落职回，窘甚，封还其券。人盗卖其山木二千余株，庄佃窃其仓谷，而诡以盗劫告。恐滋牵累，概笑置之。家益落而终欣然，啸歌自得。初举乡饮宾，巡抚张公朝珍以善人旌。卒年七十。祀乡贤。子绳武仕河南仪封知县。赠如其官。

梁谷，字元锡，由邑庠入监。前壬午积分贡生，考授府通判，顺治初诏征之。以母年老不赴。为人慈和、恺悌，荒年出粟三百石，以赈乡里。

王养元，字体乾。家赤贫，竭力供甘旨。母病，糜股以进，病立愈。读书砥行，为文高古。性蹢躅凉凉，不喜与流俗人伍，耻言治生事。析产任兄弟所取，己不一问。伯兄疾笃，一子幼弱，药饵殡葬，俱身独任，不累其孤。弟某被诬，竭力营救，不令弟知。邑有受凌侮于豪族者，辄仗义助理，其人潜致馈赠，峻拒曰：“若是，是我为私矣。”为诸生五十年，不一干长吏。窘甚，闻家人嗟叹声，曰：“何叹为？安分立志而已。”晚年抚孙奂曰：“汝必大吾门，恨我不及见也。”后果如其言。卒，祀乡贤祠（省志《孝行》）。

方初元，字汝贞。少有至性。父希明贫甚，勉力甘旨，以事其母朱。朱每分以食初元，初元以祖母老，且不得常肉食，

辄不受。稍长就学，通经义，为文有法度，声噪里中。念父作苦田间，时荷锄以从，夜则挟册就母纺绩灯前读之。及长授徒，御酒肉默念父母洗腆不给，食不下咽。已而辞归，躬耕以养父。其伯父希珍与子夏元相继亡，为抚遗孤如己出。族有寡人子质富家，亟畀金赎归。里党贫不能自存者，以告辄得所欲。尝买地治生圻，逾年为强有力者所夺，且以横逆加初元。置不与较，专以教孙为急。岁祲，家日食菱苳，必精粢以膳塾师。有能文友至，则竭丰腆，数晨夕以相切劘，常诫二孙倬、伸曰：汝兄弟勿以贫故废业，勉读书振先绪。后伸以名进士官庶常，历郡守。每念厥祖，泪涔涔也。

程天衡，字造先。乐善好施，修桥梁、补道路，惟日孜孜，如有不及。尝自谓：日行一善，则宵安于寝。盖其性然也。康熙戊午举乡饮大宾，郡邑旌其闾。

黄龙光，字龙生，原名继韬。有膂力，善骑射技击。或劝应武科，弗屑也。学使以五艺大收入泮。家无中人产，而好施予，里有贫嫠妻者数家，咸赖保全。有以重赀托孤者，坚辞不得，孤殇，尽以其赀付孤之亲属，始终不染毫末。初，龙光父以三十金置田三亩，其人据不与。后子弟长知其事，欲与争。龙光曰：“我能让过五十年，汝辈不能忍一时乎！”其德量如此。后子学懃令山东费县，龙光日督人垦署内隙地，种植蔬菜，食不重味，曰：枉取多由广用。以子封费县知县。

王熙，字缉之。邑庠生。兄弟六人，熙其季也。砥行读书，尤具至性。事父母色养倍至，及歿，购地营葬。自祖父母以及兄侄皆归殡，费出一己，至称贷变产不懈。第五兄早世，为抚遗孤，教养婚娶。侄孙少孤，亦赖熙以成立。熙初艰于嗣，年五十后连举二子：长肃，次郁。肃诸生，负才誉，兄弟友爱。克世其家云。

刘有章，字闇初，原名希适。性孝友，年十八父卒，哀恸之余，谨书遗命于壁间。时泣诵不敢忘。抚幼弟弱妹俾成立。妹适徐，嫠甚，章多方营置，使无匮乏。尝鬻己产以葬祖母。弟有韶五十无子，为置妾育嗣。排解纷难，数言立决。邻有争哄者，闻章至辄敛息。襄理宗事，修举废坠，族人赖焉。人以急告，随力周之。一日诸子侍立，有跛倚者，切责之。配何氏私诫诸子曰：“汝曹行坐须端正，毋致汝父怒也。汝父一生方严，汝曹其效之。”

朱时升，早失怙恃。值明末寇盗纵横，所在奔窜，升携两幼弟西徙东迁，保护倍至。及长，皆为授室，皓首同居，怡怡如也。至助同族之不殍者三，嫁孤女之不能嫁者二，悯堂侄伶仃，为之婚娶。念孀婢馁冻，岁给米薪。至今里中称升笃内行云。

刘发宣，字君弢。观察有源季子。颖悟善记诵，年十三补邑庠生。明年谒部堂耿公，留试二艺，亟赏之，赠以币，初不知为有源子也。攻苦自奋，出入经史，一时才彦莫先。性恭顺廉约，布袍蹣跚，人咸宗法之。喜缓急人，岁尝铺饥者以粥，被寒者以衣。顺治十四年奇荒，同叔兄笃材各捐谷三百石以赈。巡抚蒋高其谊，为请闻。诏赐旌奖。笃材字君培，为名诸生。兄弟自相师友。其砥行饬躬、乐善好义与弟同。而尤殷殷以造就人才为事。襄理宗务，尝募建文昌阁，会课能文之士，族人资其兴起为多。

陶景虞，礼部儒士。性端厚，重根本。事兄景堃尤尽情，礼待宗族乡党，恩义具在口碑。子璨、理、璫俱诸生，世守家法，礼义为宗，诗书为率。有一门邹鲁之目。

刘学礼，字绳如。康熙丙午武举会试未售。时同邑吏部考功司刘宏基其业师也，欲礼留京效力，可循例资选。礼以母老

不忍久离邇归。泾有故人子贫甚，携妻将远鬻，遇诸途，急称贷二十金，俾得完聚。岁辛亥大旱，族多不火者。礼曰：吾无谷可均，乃鬻田二十亩分给之。

黄学殷，字敬若，龙光长子。性敏异沉静，敦内行。年十六居母丧，勺水不入者数日。父怜之，再三慰谕。始稍就食饮，弱冠受知于邑令姚自泓。时同里进士王际康亦应童子试，姚面試两人凡五覆不相上下，随入泮食饩。学使李观凤宁郡拔冠七学，会选拔颇属，意谓其老，太息久之，其实年甫四十余，以须鬓早衰，疑而止。岁乙亥始轮贡。居家恩义兼至，孝友著于里党。人以急告，必多方周之，不则，终歉然，如有所失。闻人善辄津津称道不绝口，不言人过。故既歿，人犹思慕不衰。

汪象琬，字系珩。邑庠生。父宸祚以应试卒白门。三月而琬始生，琬以未得见父，抱终天恨事。生嫡庶三母孝养均至，尝曰：三母以琬故，同备尝艰苦，琬何敢歧视，伤吾父泉下心。伯舍初石莹甚宏丽，一日某以石私鬻豪家，毁折殆尽。琬讼，归其石。奉伯母榱合葬，封植如故，费多金不惜也。会岁饥，寇盗充斥，民多流亡，琬随力收恤，给牛种以使之耕，即素与构难者，待之亦然。每岁除，计族邻之贫乏者，分上中下给钱谷有差。年十四时，家夜被火，有批琬面而夺其手中物以去者，未尝显言其人。子弟问及，琬曰：知其人，不如弗知也。终不以告。子本远、本遵并岁荐，谦谨自持，克守先训云。

冯鹤征，顺治甲午武举。幼丧母，父性刚方，继母复严厉，征曲为承顺，父久而怜之，遣别居。田产器物悉以让弟。父亡，弟产尽废，复召与同居，为婚娶，延师教之，得以成立。独力葬亲，费不弟问。性坦白无私，遇事直言，人每就质曲直，往往望门而返（通志《摭记》）。

戴上顺，性淳朴，好施予，孝友笃至。继母偏爱所生，事

之愈谨，康熙辛亥及丙寅岁俱大浸，上顺前后捐谷百石赈之。

戴其石，字明爽。邑庠生。性严肃，顰笑不苟。客过者望门即整冠敛容，然后入。其为人所敬礼如此。

戴志让，幼孤，耿介自立，性慷慨。族赖举火者数十家。有邑绅贷百金之任，后以千金寄存，寻复索取。志让慨然与之，封识宛然，绝不言所负。喜排解纷争。卒之日，哭者遍衢巷。

何嘉祺，字介吉。性倜傥，慷慨尚气节。尝因邑人困于里役，条陈利弊，恳行条编。触当事怒，遣戍秦州。行时哭送郊外者几千人。康熙辛酉赦归，里中诸先达咸作诗颂美焉。

周有举，家贫训蒙，年五十四无子。康熙壬子冬归自馆，见道厕有衣袱悬壁间，携归视之，白金也。亟复携至其处。俄顷，一人仓皇行，泣曰：“吾死矣，吾死矣。”问之，旌邑篋工郭明宇也。兄弟数人辛苦经年，积三十余金，如厕遗失，不知所在。举核其数符，遂与之。其人泣谢而去。后连生二子，年八十四卒。

姚希夔，性诚朴，乐施予。尝抚人遗孤，为之婚娶，俾成立者四人：姚孟、姚貽、高明、叶仕。有贫鬻妻，亟捐金以留者三人：黄登、徐甲、姚鹗。康熙丁亥戊子荒疫洊至，罄所积，赈米粟、馈药饵、施棺槨，颂声四起（通志《孝义》）。

刘应湛，字蔚起。邑庠生。光禄楷第四子，性颖异，善属文，尤孜孜好行其德。康熙丙子秋就试句容，时异蛟发山中，平地水骤高数丈，湛亟登城，呼曰：“有救一人者，予二金。”于是人争奋力援救，得不死者凡数十人。湛倾囊如约予之。不足，更转贷以给。其被溺死者，复买槨收瘞焉。

徐五元，家仅中人产，而性仁慈。康熙丁亥戊子间荒疫洊至，五元惻然，谓二子哲、智曰：“天灾如此，吾力不能及一县，愿罄囊以周同族。不足即鬻产，弗惜也。”经营米粟，逐户计口

给之。病者济以药饵。如是凡数月，知县方震炜以乡饮宾举。
(通志《孝义》)

马晋，邑禀生，性醇厚，多长者行。尝应试郡城，拾遗金于道，坐待遗者，至验实还之。其人分半谢，晋辞曰：“吾不利全而顾受半耶！”精岐黄业，岁戊子己丑，时疫盛行，晋比户医治，而不受一钱。人问之，曰：“今属何时，忍受钱耶！”人至今称之。

张士毅，弱冠，亡父。尝割股疗母病。路拾遗金，坐待其人还之。

吴锜，字玉友，附监生。本休宁人，入籍南陵。后迁居宣城。幼丧母，哀毁执礼如成人。孝庶母不异亲生。诸兄析箸资产，概不与较。伯兄子早孤，教育备至。宗族姻戚之贫者，多赖其协助。康熙戊子、雍正丁未值岁歉，共捐米六百石赈饥，又屡捐金助修府学暨宣、南二学。尝买陆氏坟山营葬，地师择穴正逼陆莹。恍然曰：“吾欲昌吾后，陆独不欲昌后乎！”遂罢其事。后以子瑞受封。年八十三卒。子芳，字联先，贡生。幼丧母，哀恻逾成人。继母病，经年昼夜护视，不少懈。抚育异母弱弟，友爱尤笃。性好施与，夏茶冬絮，助婚娶、赈饥黎，乡人德之。孙一凤，由副榜授教谕，国俅举人。

刘沛，字霖起。光禄楷第五子。中康熙癸巳举人。性孝友，居丧哀毁尽礼，兄弟先后并逝。沛调护诸孤，俾各成立。初，光禄置义田赡族，沛更给膏火劝读，给米肉养老，岁歉不敷，倡捐以济。邑有公举，皆尝竭力襄事。助婚、赎鬻、施棉、给槥，施予不吝。后观政刑部，期满，未仕卒。著有《日新园诗文集》藏于家，次子携己酉举人。

刘焘，字澎起，楷第七子。九岁通经，补诸生，号称神童，年二十中康熙戊子举人。幼丧生母，哀恻几绝，事父与嫡母曲

尽欢心。尝捐千余金建造宗祠，屡捐金助修文庙、关圣庙、惠民桥、青弋江圩坝。雍正丙午邑大水，散谷赈饥，全活无算。生平性喜藏书，工书能诗，以子祖佑受赠。详《封荫》。

朱之寰，侍父病，数月衣不解带，每夜必数起，母病复刲股调药，后母染痲疾，寰侍奉益谨。子侄百余人同堂五世。尝还遗金以救急，捐仓谷以赈饥。有陈某以负债鬻妻，寰自庄所粟谷还，携银三十余两，倾囊予之。遂徒手归。（省志《孝友》）

刘宏振，字声玉。州同。少随父之官寿阳，读书之暇旁通吏治。叔沛总理祠务，振同心襄事，家政以肃。师张某卒，贫甚，出资助殡葬，并为其家力御外侮。岁壬子当事议于本邑，漕粮照旌、太例改折，邑人相持不敢言，振独力陈利弊，事得寝，通邑便之。

谢玉绳，字右衡；弟赐字公达，并邑禀生。慷慨好施。邑造文庙，买基以拓东庑。岁暮辄发粟给棉以恤族党。尝捐金全人妻子十一家，买地二十五亩，收葬枯骨千余具。

何天安，字孟甄。由庠生捐贡。性孝，母病剧，仰天而泣，梦得药方，进之获瘥。居父母丧，早夕泣奠，三年如一日。捐金修文庙、桥梁、祠宇，皆不遗余力，值岁饥疫，赈粟施药，全活颇多。举乡饮宾。年八十二卒。

王茂京，邑诸生。少孤，生母亦早丧，事嫡母备极孝养，复体母意，周给外家甚厚。族姻贫乏，捐助无吝。繁昌有鬻妻者，捐金贷偿获全。又尝捐造赤沙滩、回龙墩诸桥，至今人颂其德。

俞藻，贡生。性孝友。兄已出嗣，析产仍均，且辞丰受约。族有孀妇三人，极贫，赡之终身，死复为之需。其居在义兴圩，圩被水冲决，倡捐修筑，至今赖之。又捐田三十余亩，以兴家塾云。

李时基，岁贡生。少贫，以善事父母闻，代兄服勤，未尝言瘁。中年始置田宅。救急恤穷，赖以举火者甚众。岁饥，粒米斗金，族有逐儿者，为收养之。堂弟时升，侄应弼、应转，无力婚葬，资助无吝。女弟二适人后，生计窘乏，并为置产，而自输粮云。

陈其昌，字顺之，父老弟贫，独任孝养。父丧明，扶掖护视，历久不懈。康熙戊子、己丑间岁祲，族之待以举火者三十余家。又捐腴田十一亩入宗祠。两举乡饮介宾。寿八十八。

诸音庆，职员。幼失怙恃，家故贫。比长，务勤俭，稍裕生产，遂推有余以济不足，行义足嘉焉！子天相考授主簿，克光前绪，惠及乡邻，当事屡奖之。

王京仁，州同职。康熙四十八年，乡里饥，仁按户给谷。雍正十二年水灾亦然。子中孚，国学生，好行其德，族党称之。

叶凤吉，职监生。积善好施。邑南半山岭高数十丈，甃石为路，以便行人。康熙五十三年大祲，捐谷五百石，台司以下咸旌以额。

王锦，附贡生。九岁丧父，与弟郁林怡怡友爱，以色养博母氏欢。长居乡里，轻财重义，昆弟同心。郁林子长禧附贡生。州同职。施粥赈饥，市槽埋殓，亦克承先泽云。

陈可勋，号眉川，职员。自其祖友暄倡建崇圣祠，义声动乡邑，可勋称济美焉。若修城垣、埋骸骼、输粟、馈药，以振贫病；捐田给谷，以培宗支。皆黽勉为之，至老不倦。

何廷凤，监生。济凶荒，周急难，谊深桑梓。邑令表其门。

贾逢源，字汉中。郡庠生。居家孝友，文行兼优。年饥出储粟以食饿者，不足，则鬻田继之。

许兆衡，六世同居，和睦无间。尝晓行经盛家桥，见遗金重可百两，坐待其人，还之。盖当涂陈姓赴繁昌贩丹皮者，陈

欲酬以金，衡掉头去(《省志·孝友》)。

张永泗，《(《省志》“泗”作“世”)字杏源，号鲁溪。由邑举授州同。五世同居，治家严肃。凶年周恤乡里，勇于为善，尝修治奎湖石路，行人便之(《省志孝友》)。

叶金台，庠生。岁饥谨，尝鬻田典衣以周邻里。疫作则合药为丸，存活甚众。歿而无后者，助以棺。其义举多类是。

盛嘉恺，字克仁。为人识大义，不屑为锱铢计，处家以和，待人以厚，均能为其难。

汪侑元，素行醇懿。日以敦本崇实训其子。年九十一无疾逝，子中柱文行有美誉，以增广生终。

何逢泰，贡生。自奉俭约，遇义举则以身先之，虽倾囊倒篋不少吝。

叶必矿，贡生，年近七旬，犹与同怀诸弟如童稚欢。其天性有过人者，至于助婚丧、修桥梁，恒孳孳如不及云。

潘人凤，国学生。好义急公，人推长者。邻有孀妇吴氏，抚孤守志，苦断炊，每月给米三斗以济其穷。故人周世先年老无依，养赡十余年，歿则营殓葬焉。

李廷飏，监生，事节母尽孝。每岁暮，散谷以赡族人之贫乏者，厥后捐田十余亩，收租均给，岁以为常。

章可托，职员。生半月而孤。事母跼步不离，人称其孝，宅心忠厚，与人无争。每见善行必赴之，虽瓶无储粟，廓如也。

章可诚，国学生。少丧母，事继母诸氏以孝称。家仅中人产，推有济无待举火者甚众。遇灾恤邻，同异姓胥受其惠。

叶时勉，州同职。同弟州判时省修学捐田并承先志。乾隆乙巳旱，共输粟三百石以济乡邻。县令旌以额“吉人为善”。

汪应锦，邑诸生。乾隆十二年，捐资数千金筑圩六百七十余丈，以御水患。郡守旌以额，曰“义茂南邦”。

张恒升，字怀五。永泗孙，国学生。力学敦行，为乡里式。外舅邓老而贫，迎养于家。歿且葬，复置田宅，恤其孤族。侄某贫不能娶，割田助之。乾隆丙子大荒，捐谷济饥，多所存活。

王廷柱，《《省志》“柱”作“贵”）字次元。贡生。仗义周急，不拾遗金，里人诵之。

汪自新，贡生。孝子元宵其父也。自新尝在青阳、铜陵及南陵境，独建桥路七处，共费白金九千四百有零。

王元赵，太学生。事亲有顺，德敦善。施惠于人，实有所济。学使额奖之。

叶大芳，职员。乾隆五十年旱灾，捐谷五百余石以济族邻。其平日睦姻任恤多类是。学使以“孝义遗范”扁额表之。

戴上升，监生，字寻乐。生能色养歿善承先，捐置义田，建桥修路，助赈急公。学政周以扁额“孝义继述”奖之。

谢珍，性敦孝友，质直好义。建桥利济，乡党称之。

吴楫，邑禀生，性孝友。事瞽母朝夕舔睛，盲目复明。家故贫。时推馆谷以贍诸侄，完其婚娶。

汪国佐，监生。嗜读书。尝出多金振兴家塾，族人赖之。性又好施急公。至其代人赔累、全人配偶，尤为时所称云（按府志云：国佐年六岁，父患疯痰，昼夜不离左右。父卒，抚棺悲泣如成人。及壮，与兄分囊，兄负逋，国佐代偿。里人某将鬻妻以偿债，国佐闻之，赠银五十两，完其夫妇。乾隆十八年，捐银五百金建碧溪桥，又捐修鹅岭桥、澄清桥。三十一年捐修圣庙、奎星阁，生平义举甚多。徐志略，今补注）。

戴献，字惠先，监生。家仅中产，性乐济人。寒则施棉，饥则周粟。两完贫娶，一赎鬻妻。又创置义田以兴家塾云。

徐兴，字旺侯。性笃内行。继母病瘫，扶持弗懈。族有徐苟，早孤羁他姓，其姓不令归。兴泣伊桃莫续，告于官，经年